



Համարը N 176-Ն

Տեսակը Պաշտոնական  
Ինկորպորացիա

Տիպը Որոշում  
Սկզբնաղբյուրը ՀՀՊՏ 2014.03.05/10(1023)  
Հոդ.143

Կարգավիճակը Գործում է  
Ընդունման վայրը Երևան

Ընդունող մարմինը ՀՀ կառավարություն  
Ստորագրող մարմինը ՀՀ վարչապետ  
Վավերացնող մարմինը  
Ուժի մեջ մտնելու ամսաթիվը 15.03.2014

Ընդունման ամսաթիվը 13.02.2014  
Ստորագրման ամսաթիվը 27.02.2014  
Վավերացման ամսաթիվը  
Ուժը կորցնելու ամսաթիվը

- [+ Կապեր այլ փաստաթղթերի հետ](#)
- [+ Փոփոխողներ և ինկորպորացիաներ](#)

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՆԵՐՔԻՆ ԱՌԻԴԻՏՈՐԻ ՈՐԱԿԱՎՈՐՄԱՆ ԿԱՐԳԸ ԵՎ  
ՀԱՆՐԱՅԻՆ ՀԱՏՎԱԾՈՒՄ ՆԵՐՔԻՆ ԱՌԻԴԻՏ ԻՐԱԿԱՆԱՑՆԵԼՈՒ ՀԱՄԱՐ  
ԿԱԶՄԱԿԵՐՊՈՒԹՅՈՒՆՆԵՐԻՆ ՆԵՐԿԱՅԱՑՎՈՂ ՀԻՄՆԱԿԱՆ ՊԱՀԱՆՋՆԵՐԸ ՀԱՍՏԱՏԵԼՈՒ ՄԱՍԻՆ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

13 փետրվարի 2014 թվականի N 176-Ն

ՆԵՐՔԻՆ ԱՌԻԴԻՏՈՐԻ ՈՐԱԿԱՎՈՐՄԱՆ ԿԱՐԳԸ ԵՎ ՀԱՆՐԱՅԻՆ ՀԱՏՎԱԾՈՒՄ ՆԵՐՔԻՆ  
ԱՌԻԴԻՏ ԻՐԱԿԱՆԱՑՆԵԼՈՒ ՀԱՄԱՐ ԿԱԶՄԱԿԵՐՊՈՒԹՅՈՒՆՆԵՐԻՆ ՆԵՐԿԱՅԱՑՎՈՂ ՀԻՄՆԱԿԱՆ  
ՊԱՀԱՆՋՆԵՐԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Ներքին աուդիտի մասին» Հայաստանի Հանրապետության օրենքի 13-րդ հոդվածի 4-րդ մասի 3-րդ և 5-րդ կետերի պահանջները՝ Հայաստանի Հանրապետության կառավարությունը **որոշում է**.

1. Հաստատել՝
  - 1) ներքին աուդիտորի որակավորման կարգը՝ համաձայն N 1 հավելվածի.
  - 2) հանրային հատվածում ներքին աուդիտ իրականացնելու համար կազմակերպություններին ներկայացվող հիմնական պահանջները՝ համաձայն N 2 հավելվածի:
2. Մինչև սույն որոշումն ուժի մեջ մտնելը՝ Հայաստանի Հանրապետության հանրային հատվածի ներքին աուդիտորի որակավորում ստացած անձինք սույն որոշմամբ հաստատված կարգի 3-րդ կետով սահմանված ցանկում ընդգրկվում են սույն որոշումն ուժի մեջ մտնելուց հետո 36 ամիս ժամկետով: Նշված ժամկետը լրանալուց հետո այն աուդիտորները, ովքեր սույն որոշմամբ հաստատված կարգով սահմանված պայմաններով ստացած չեն լինի Հայաստանի Հանրապետության հանրային հատվածի ներքին աուդիտորի որակավորում, կհանվեն ցանկից:
 

**(2-րդ կետը փոփ. 19.02.15 N 128-Ն)**
3. Հայաստանի Հանրապետության ֆինանսների նախարարին՝ սույն որոշումն ուժի մեջ մտնելուց հետո երկամսյա ժամկետում՝
  - 1) հաստատել ներքին աուդիտորի որակավորման հանձնաժողովի կազմը, անդամների նկատմամբ պահանջները և գործունեության կարգը.
  - 2) հրապարակել ներքին աուդիտորի որակավորման քննության հարցաշարը և դրա կազմման համար հիմք հանդիսացող իրավական ակտերի ցանկը:
4. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Հայաստանի Հանրապետության  
վարչապետ**

**S. Սարգսյան**

2014 թ. փետրվարի 27  
Երևան

**Հավելված N 1**  
**ՀՀ կառավարության 2014 թվականի**  
**փետրվարի 13-ի N 176-Ն որոշման**

**Կ Ա Ր Գ**

**Ն Ե Բ Ք Ի Ն Ա Ռ Ի Դ Ի Տ Ո Ր Ի Ո Ր Ա Կ Ա Վ Ո Ր Մ Ա Ն**

**I. Ը Ն Դ Հ Ա Ն Ո Ի Բ Դ Ր Ո Ի Յ Թ Ն Ե Ը**

1. Ներքին աուդիտորները որակավորման նպատակով պետք է հանձնեն ներքին աուդիտորի որակավորման քննություններ (այսուհետ՝ քննություն): Մույն կարգով կարգավորվում են քննությունների կազմակերպման և անցկացման հետ կապված հարաբերությունները:

2. Քննությունները կազմակերպվում են «Ներքին աուդիտի մասին» Հայաստանի Հանրապետության օրենքով սահմանված ներքին աուդիտի ոլորտի լիազորված պետական կառավարման մարմնի (այսուհետ՝ լիազոր մարմին) կողմից:

3. Ներքին աուդիտորի որակավորումը պարտադիր պահանջ է՝ «Ներքին աուդիտի մասին» Հայաստանի Հանրապետության օրենքի 13-րդ հոդվածի 4-րդ մասի 5-րդ կետով սահմանված ներքին աուդիտորների՝ որակավորված անհատների և կազմակերպությունների, ինչպես նաև Հայաստանի Հանրապետությունում ընդունելի՝ միջազգայնորեն ճանաչված աուդիտորի որակավորում ունեցող անձանց ցանկում (այսուհետ՝ ցանկ) ընդգրկվելու համար:

4. Լիազոր մարմինը հաշվառում է սույն կարգի 3-րդ կետով սահմանված անձանց և իր պաշտոնական կայքում հրապարակում է վերջիններիս ցանկը, որը բաղկացած է երեք մասից՝

1) ներքին աուդիտորների՝ որակավորված անհատների ցանկ, որում ընդգրկվում են՝

ա. սույն կարգով սահմանված պայմաններով քննությունը հանձնած և Հայաստանի Հանրապետության հանրային հատվածի ներքին աուդիտորի որակավորում ստացած անձինք,

բ. սույն կարգի 6-րդ կետով սահմանված՝ Հայաստանի Հանրապետությունում ներքին աուդիտի ոլորտում ընդունելի՝ այլ կառույցների կողմից տրված աուդիտորի որակավորում ունեցող անձինք,

2) սույն կարգի 5-րդ կետով սահմանված՝ Հայաստանի Հանրապետությունում ընդունելի՝ միջազգայնորեն ճանաչված աուդիտորի որակավորում ունեցող անձանց ցանկ,

3) հանրային հատվածում ներքին աուդիտ իրականացնելու համար կազմակերպություններին ներկայացվող հիմնական պահանջները բավարարող կազմակերպությունների ցանկ, որում ընդգրկվում են Հայաստանի Հանրապետության կառավարության 2014 թվականի փետրվարի 13-ի N 176-Ն որոշման N 2 հավելվածով սահմանված պահանջները բավարարող կազմակերպությունները:

*(4-րդ կետը փոփ., խմբ. 19.02.15 N 128-Ն)*

**II. ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԸՆԴՈՒՆԵԼԻՒՄ ՄԻՋԱԶԳԱՅՆՈՐԵՆ ՃԱՆԱՉՎԱԾ ԱՌԻԴԻՏՈՐԻ ԵՎ ԱՅԼ ԿԱՌՈՒՅՑՆԵՐԻ ԿՈՂՄԻՅ ՏՐՎԱԾ ԱՌԻԴԻՏՈՐԻ ՈՐԱԿԱՎՈՐՈՒՄՆԵՐԸ**

5. Հայաստանի Հանրապետությունում ներքին աուդիտի ոլորտում ընդունելի են միջազգայնորեն ճանաչված հետևյալ որակավորումները՝

1) ներքին աուդիտորների միջազգային ինստիտուտի կողմից իր կրթական ստանդարտներին համապատասխան անցկացված քննությունների արդյունքում տրված ներքին աուդիտորի որակավորումը (Certified Internal Auditor - CIA) կամ հանրային հատվածի աուդիտորի որակավորումը (Certified Government Auditing Professional - CGAP).

2) որակավորված երդվյալ հաշվապահների ասոցիացիայի (ACCA) կողմից անցկացված առնվազն բազային (\$ունդամենտալ) 9 քննության (F1-F9) արդյունքում տրված հաշվապահ-աուդիտորի որակավորումը.

3) հանրային ֆինանսների և հաշվապահության արտոնագրված ինստիտուտի (Chartered Institute of Public Finance and Accountancy՝ CIPFA) կողմից տրված որակավորումը.

4) որակավորված հանրային հաշվապահների ամերիկյան ինստիտուտի (American Institute of Certified Public

Accountants) կողմից տրված հանրային հաշվապահի որակավորումը (CPA):

6. Հայաստանի Հանրապետությունում ներքին առևտրի ոլորտում ընդունելի են այլ կառույցների կողմից տրված հետևյալ որակավորումները՝

1) «Առևտրական գործունեության մասին» Հայաստանի Հանրապետության օրենքի համաձայն տրված առևտրորի որակավորումը.

2) Հայաստանի Հանրապետության հաշվապահների և առևտրորների ասոցիացիայի (ՀՀԱԱ) կողմից տրված առևտրորի որակավորումը:

**III. ՆԵՐՔԻՆ ԱՌԻԴԻՏՈՐԻ ՈՐԱԿԱՎՈՐՄԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՈՒՄԸ**

7. Քննությունը կազմակերպում և անցկացնում է լիազոր մարմնի կողմից ստեղծված ներքին առևտրորի որակավորման մշտական հանձնաժողովը (այսուհետ՝ հանձնաժողով):

8. Հանձնաժողովի կազմը, անդամների նկատմամբ պահանջները և գործունեության կարգը հաստատում է լիազոր մարմնի ղեկավարը:

9. Քննությունն անցկացվում է հայերենով՝ թեստավորման եղանակով:

**(9-րդ կետը խմբ. 19.02.15 N 128-Ն)**

10. Յուրաքանչյուր տարվա համար անցկացվող քննության հարցաշարը (թեստերի համար հարցերը՝ իրենց ենթադրյալ պատասխաններով և համապատասխան օրենսդրական ակտերին ու ներքին առևտրի վերաբերյալ այլ ուղեցույցներին հղումներով), ինչպես նաև դրա կազմման համար հիմք հանդիսացող իրավական ակտերի ցանկը մինչև նախորդ տարվա դեկտեմբերի 20-ը հրապարակվում են լիազոր մարմնի պաշտոնական կայքում, իսկ դրանցում կատարվող փոփոխությունները հրապարակվում են քննության անցկացման օրվանից առնվազն 2 ամիս առաջ:

**(10-րդ կետը փոփ. 19.02.15 N 128-Ն)**

11. Քննության հարցաշարի համար հիմք է հանդիսանում լիազոր մարմնի կողմից սահմանված՝ իրավական ակտերի և ներքին առևտրի վերաբերյալ այլ ուղեցույցների ցանկը, ընդ որում, հարցաշարը չպետք է պարունակի այնպիսի հարցեր և (կամ) խնդիրներ, որոնք չեն բխում ցանկում ներկայացված իրավական ակտերից և ներքին առևտրի վերաբերյալ այլ ուղեցույցներից:

12. Քննությունն անցկացվում է յուրաքանչյուր եռամսյակն առնվազն մեկ անգամ, եթե առկա է սույն կարգի 13-րդ և 14-րդ կետերով սահմանված պահանջները բավարարող առնվազն մեկ դիմում: Քննության անցկացման ամսաթվի, ժամի և վայրի մասին հայտարարությունը հրապարակվում է լիազոր մարմնի պաշտոնական կայքում՝ քննության անցկացումից առնվազն 10 աշխատանքային օր առաջ:

**(12-րդ կետը խմբ. 19.02.15 N 128-Ն)**

**IV. ՆԵՐՔԻՆ ԱՌԻԴԻՏՈՐԻ ՈՐԱԿԱՎՈՐՄԱՆ ՔՆՆՈՒԹՅՈՒՆՆԵՐԻ ՄԱՍՆԱԿՅԵԼՈՒ ԻՐԱՎՈՒՆՔ ՈՒՆԵՑՈՂ ԱՆՁԻՆՔ**

13. Քննությանը կարող են մասնակցել բարձրագույն կրթություն ունեցող՝ սույն կարգի 14-րդ կետի պահանջները բավարարող Հայաստանի Հանրապետության այն քաղաքացիները, ովքեր լիազոր մարմին են ներկայացրել դիմում՝ համաձայն սույն կարգի N 1 ձևի:

**(13-րդ կետը խմբ. 19.02.15 N 128-Ն)**

14. Քննությանը կարող է մասնակցել այն անձը՝

1) ով դատական կարգով չի ճանաչվել անգործունակ կամ սահմանափակ գործունակ.

2) ով չունի դիտավորությամբ կատարված հանցագործությունների համար դատվածություն.

3) ով դատական կարգով չի գրկվել ֆինանսատնտեսական հարաբերությունների իրականացման բնագավառում պաշտոն զբաղեցնելու կամ գործունեությամբ զբաղվելու իրավունքից.

4) ում՝ սույն կարգի համաձայն քննությանը մասնակցելու համար լիազոր մարմին նախորդ 3 տարվա ընթացքում ներկայացված դիմումը չի մերժվել լիազոր մարմնի կողմից՝ սույն կարգի 16-րդ կետի 2-րդ ենթակետով սահմանված հիմքերով:

15. Քննությանը մասնակցելու համար դիմողն առձեռն, փոստով կամ էլեկտրոնային եղանակով (էլեկտրոնային համակարգի միջոցով փաստաթղթերը ներկայացվում են Հայաստանի Հանրապետության կառավարության 2010 թվականի սեպտեմբերի 24-ի N 1283-Ն որոշմամբ սահմանված կարգով) լիազոր մարմին է ներկայացնում՝

1) դիմում՝ համաձայն սույն կարգի N 1 ձևի.

2) անձնագրի պատճենը.

3) բարձրագույն կրթության դիպլոմի պատճենը.

4) հայտարարություն սույն կարգի 14-րդ կետում նշված հանգամանքների բացակայության մասին՝ համաձայն սույն կարգի N 2 ձևի:

16. Հանձնաժողովն ուսումնասիրում է դիմումը՝ իր անհրաժեշտ փաստաթղթերի հետ միասին՝ այն ներկայացնելու օրվանից ոչ ուշ, քան 5 աշխատանքային օրվա ընթացքում: Հանձնաժողովը դիմորդին չի թույլատրում մասնակցել քննության և դիմումը ներկայացնելու օրվանից 5 աշխատանքային օրվա ընթացքում դրա մասին գրավոր տեղեկացնում է

դիմողին՝ նշելով մերժման պատճառները և իրավական հիմքերը, էթե՝

1) թերի են ներկայացվել սույն կարգի 15-րդ կետով պահանջվող փաստաթղթերը, կամ՝

2) սույն կարգի 15-րդ կետով պահանջվող փաստաթղթերում ներկայացվել է կեղծ և (կամ) անարժանահավաստ տեղեկատվություն:

17. Եթե քննությանը մասնակցելու մերժման պատճառ է հանդիսացել ներկայացված փաստաթղթերում տեղ գտած թերությունը, ապա մերժման մասին տեղեկացվելուց հետո 3 աշխատանքային օրվա ընթացքում դիմողը կարող է ուղղել պահանջվող փաստաթղթերում տեղ գտած թերությունները՝ դրանք ներկայացնելով լիազոր մարմին:

18. Հանձնաժողովի կողմից 3 աշխատանքային օրվա ընթացքում ուսումնասիրվում են դիմողի ներկայացրած փաստաթղթերում անհրաժեշտ ուղղումներն ու լրացումները և, ընդունվելու դեպքում, դիմողին թույլատրվում է մասնակցել քննությանը:

**(18-րդ կետը փոփ. 19.02.15 N 128-Ն)**

**V. ՆԵՐՔԻՆ ԱՈՒԴԻՏՈՐԻ ՈՐԱԿԱՎՈՐՄԱՆ ՔՆՆՈՒԹՅԱՆ ԱՆՅԿԱՑՈՒՄԸ**

**(վերնագիրը խմբ. 19.02.15 N 128-Ն)**

19. Քննությունն անցկացվում է թեստավորման միջոցով՝ էլեկտրոնային եղանակով՝ համակարգչային ծրագրի օգնությամբ: Թեստում յուրաքանչյուր հարց ունի երեք կամ չորս ենթադրյալ պատասխան, որոնցից միայն մեկն է միանշանակ ճիշտ պատասխանը:

**(19-րդ կետը փոփ. 19.02.15 N 128-Ն)**

20. Քննության թեստերը կազմվում են քննության անցկացման օրը՝ անմիջապես քննության անցկացումից առաջ, համակարգչային ծրագրի միջոցով՝ պատահական ընտրության սկզբունքով՝ մասնակցի (մասնակիցների) և հանձնաժողովի առնվազն 2 անդամի ներկայությամբ: Քննության յուրաքանչյուր մասնակցի համար կազմվում է թեստ, որը պետք է լրացվի նույն համակարգչային ծրագրի օգնությամբ:

**(20-րդ կետը փոփ. 19.02.15 N 128-Ն)**

21. Քննությունն անցկացնելու համար կազմվող թեստում ներառվում է 50 հարց: Քննության տևողությունը սահմանվում է երկու ժամ:

**(21-րդ կետը փոփ. 19.02.15 N 128-Ն)**

22. Քննասենյակ քննության մասնակցի մուտքը թույլատրվում է միայն անձը հաստատող փաստաթղթի ներկայացմամբ: Հանձնաժողովի անդամն ստուգում է մասնակցի ինքնությունը և վերջինիս անձնական տվյալների հավաստիության դեպքում թույլատրում մասնակցել քննությանը: Քննասենյակ մուտքն արգելվում է քննության մեկնարկից 10 րոպե առաջ, ինչի մասին նշում է կատարվում սույն կարգի 12-րդ կետով սահմանված կարգով հրապարակվող հայտարարությունում: Մասնակցին չի թույլատրվում քննության ընթացքում երկխոսության մեջ մտնել մյուս մասնակիցների հետ, օգտվել այլ համակարգչից՝ բացառությամբ թեստի համար նախատեսվածից, հեռահաղորդակցության միջոցներից, իրավական ակտերից և այլ փաստաթղթերից, մասնագիտական գրականությունից, տեղեկատվություններից, ծածկաթերթիկներից, ինչպես նաև առանց ուղեկցման դուրս գալ քննասենյակից:

23. Սույն կարգի 22-րդ կետի պահանջներից որևէ մեկի խախտման դեպքում մասնակիցը հանձնաժողովի կողմից դուրս է հրավիրվում քննասենյակից, ինչի մասին կազմվում է արձանագրություն, որի մեկ օրինակը տրվում է մասնակցին: Մասնակցի աշխատանքը ճանաչվում է անվավեր և գնահատվում է 0 միավոր:

**(23-րդ կետը փոփ. 19.02.15 N 128-Ն)**

24. Քննության համար սահմանված ժամանակը լրանալուց հետո հանձնաժողովի նախագահը կամ քարտուղարը հայտարարում է սահմանված ժամանակն ավարտված լինելու մասին, որից հետո մասնակիցը պարտավոր է դադարեցնել համակարգչի ծրագրով թեստի լրացումը:

**(24-րդ կետը փոփ. 19.02.15 N 128-Ն)**

25. Հանձնաժողովն ամփոփում է քննության արդյունքները: Համակարգչային ծրագիրը թեստի յուրաքանչյուր հարցի ճիշտ պատասխանը գնահատում է 1 միավոր, իսկ սխալ պատասխանը՝ 0 միավոր: Սխալ պատասխաններ են համարվում ոչ ճիշտ պատասխան նշելը, մեկից ավելի պատասխան նշելը և որևէ պատասխան չնշելը:

**(25-րդ կետը փոփ. 19.02.15 N 128-Ն)**

26. Քննությունը հաղթահարելու համար մասնակիցը պետք է ստանա առնվազն 40 միավոր:

**(26-րդ կետը փոփ. 19.02.15 N 128-Ն)**

27. Հանձնաժողովը, քննության ավարտից հետո նույն օրն ստուգում և գնահատում է մասնակիցների աշխատանքները և արդյունքների վերաբերյալ նույն օրը տեղեկացնում մասնակցին: Քննության արդյունքները հրապարակվում են լիազոր մարմնի պաշտոնական կայքում՝ մեկ աշխատանքային օրվա ընթացքում, և վավերական են հրապարակման օրվանից մեկ օրացուցային տարվա ընթացքում:

**(27-րդ կետը փոփ. 19.02.15 N 128-Ն)**

28. Քննության արդյունքների բողոքարկման հետ կապված հարաբերությունները կարգավորվում են «Վարչարարության հիմունքների և վարչական վարույթի մասին» Հայաստանի Հանրապետության օրենքով:

**VI. ՆԵՐՔԻՆ ԱՈՒԴԻՏՈՐԻ ՈՐԱԿԱՎՈՐՄԱՆ ՇՆՈՐՀՈՒՄԸ**

- 29. (կեսն ուժը կորցրել է 19.02.15 N 128-Ն)
- 30. (կեսն ուժը կորցրել է 19.02.15 N 128-Ն)
- 31. (կեսն ուժը կորցրել է 19.02.15 N 128-Ն)
- 32. (կեսն ուժը կորցրել է 19.02.15 N 128-Ն)
- 33. (կեսն ուժը կորցրել է 19.02.15 N 128-Ն)
- 34. (կեսն ուժը կորցրել է 19.02.15 N 128-Ն)
- 35. (կեսն ուժը կորցրել է 19.02.15 N 128-Ն)

36. Քննությունը հաջողությամբ հաղթահարած մասնակիցներին շնորհվում է Հայաստանի Հանրապետության հանրային հատվածի ներքին աուդիտորի որակավորում և նրանց վերաբերյալ տվյալները քննությունը հանձնելուն հաջորդող 2 աշխատանքային օրվա ընթացքում ներառվում են լիազոր մարմնի կողմից հրապարակվող ցանկում:

(36-րդ կետը խմբ. 19.02.15 N 128-Ն)

37. (կեսն ուժը կորցրել է 19.02.15 N 128-Ն)

38. Քննությունը հաջողությամբ հաղթահարած մասնակիցներին շնորհված Հայաստանի Հանրապետության հանրային հատվածի ներքին աուդիտորի որակավորման գործողության ժամկետ չի սահմանվում, և այն գործում է այնքան ժամանակ, քանի դեռ որակավորված ներքին աուդիտորները յուրաքանչյուր տարի մասնակցում են լիազոր մարմնի կողմից սահմանված ներքին աուդիտորների շարունակական մասնագիտական վերապատրաստման ծրագրերին և հաջողությամբ ավարտում են նշված ծրագրերը: Քննությունը հաջողությամբ հաղթահարած մասնակիցներին շնորհված Հայաստանի Հանրապետության հանրային հատվածի ներքին աուդիտորի որակավորման գործողության ժամկետը դադարում է հերթական տարեկան շարունակական մասնագիտական վերապատրաստման ծրագիրը հաջողությամբ չավարտելու դեպքում՝ ծրագրի թեստի արդյունքները լիազոր մարմնի կողմից հրապարակվելուն հաջորդող օրը:

(38-րդ կետը փոփ. 19.02.15 N 128-Ն)

39. Քննության արդյունքների հիման վրա որակավորում չստացած, քննությանը չներկայացած, ինչպես նաև սույն կարգի 23-րդ կետում նշված դեպքերում դիմողն ընդհանուր հիմունքներով նորից կարող է մասնակցել քննությանը: Ընդ որում, քննությանը մասնակցելու համար նա կարող է ներկայացնել միայն սույն կարգի 15-րդ կետի 1-ին և 4-րդ ենթակետերով պահանջվող փաստաթղթերը, եթե նախկին փաստաթղթերը ներկայացնելու օրվանից չի անցել մեկ օրացուցային տարի, կամ դրանցում փոփոխություններ չեն կատարվել:

40. Քննությունների արդյունքները և հանձնաժողովի կողմից կազմված քննությունների արձանագրությունները պահպանվում են 5 տարի, որից հետո դրանք Հայաստանի Հանրապետության օրենսդրությամբ սահմանված կարգով հանձնվում են արխիվ:

**Հայաստանի Հանրապետության  
կառավարության աշխատակազմի  
ղեկավար-նախարար**

**Վ. Գաբրիելյան**

**Ձև N 1**

Հայաստանի Հանրապետության ֆինանսների նախարար  
այրն \_\_\_\_\_-ին

\_\_\_\_\_ -ից  
(դիմողի անունը, հայրանունը, ազգանունը)

**Դ Ի Ս ՈՒ Մ**

**ՆԵՐՔԻՆ ԱՈՒԴԻՏՈՐԻ ՈՐԱԿԱՎՈՐՄԱՆ ՔՆՆՈՒԹՅԱՆ ՄԱՍՆԱԿՑԵԼՈՒ ՄԱՍԻՆ**  
(վերնագիրը փոփ. 19.02.15 N 128-Ն)

Ներքին աուդիտորների որակավորման քննությանը մասնակցելու համար Ձեզ եմ ներկայացնում Հայաստանի Հանրապետության կառավարության 2014 թվականի փետրվարի 13-ի N 176-Ն որոշման N 1 հավելվածի 15-րդ կետով պահանջվող փաստաթղթերը, որոնց ամբողջականությունը և արժանահավատությունը հավաստիացվում է իմ կողմից: Խնդրում եմ թույլատրել ինձ՝ մասնակցելու ներքին աուդիտորի որակավորման քննության:

(հեռախոսահամարները)

(էլեկտրոնային հասցեն)

Առդիր՝ թերթ

Դիմող՝ \_\_\_\_\_ թ.  
(ստորագրությունը)

(ձևը փոփ. 19.02.15 N 128-Ն)

Ձև N 2

**Հ Ա Յ Տ Ա Ր Ա Ր ՈՒ Թ Յ ՈՒ Ն**

Ես \_\_\_\_\_,  
(ազգանունը, անունը, հայրանունը)

սույնով հայտարարում եմ, որ՝

- 1) դատական կարգով չեմ ճանաչվել անգործունակ կամ սահմանափակ գործունակ.
- 2) չունեմ դիտավորությամբ կատարված հանցագործությունների համար դատվածություն.
- 3) դատական կարգով չեմ զրկվել ֆինանսատնտեսական հարաբերությունների իրականացման բնագավառում պաշտոն զբաղեցնելու կամ գործունեությամբ զբաղվելու իրավունքից.
- 4) առկա չեն նախորդ 3 տարվա ընթացքում քննությանը մասնակցելու համար իմ կողմից դիմում ներկայացվելու և լիազոր մարմնի կողմից Հայաստանի Հանրապետության կառավարության 2014 թվականի փետրվարի 13-ի N 176-Ն որոշման N 1 հավելվածի 16-րդ կետի 2-րդ ենթակետով սահմանված դիմումը մերժվելու հիմքերը:

Հայտարարող՝ \_\_\_\_\_ թ.  
(ստորագրությունը)

Ձև N 3

(ձևն ուժը կորցրել է 19.02.15 N 128-Ն)

Ձև N 4

(ձևն ուժը կորցրել է 19.02.15 N 128-Ն)

(հավելվածը փոփ., խմբ. 19.02.15 N 128-Ն)

Հավելված N 2  
ՀՀ կառավարության 2014 թվականի  
փետրվարի 13-ի N 176-Ն որոշման

**ՀԱՆՐԱՅԻՆ ՀԱՏՎԱԾՈՒՄ ՆԵՐՔԻՆ ԱՌՈՒԴԻՏ ԻՐԱԿԱՆԱՑՆԵԼՈՒ ՀԱՄԱՐ  
ԿԱԶՄԱԿԵՐՊՈՒԹՅՈՒՆՆԵՐԻՆ ՆԵՐԿԱՅԱՑՎՈՂ ՀԻՄՆԱԿԱՆ ՊԱՀԱՆՋՆԵՐԸ**

1. «Ներքին առդիտի մասին» Հայաստանի Հանրապետության օրենքի 5-րդ հոդվածի 2-րդ կետի համաձայն հանրային հատվածի կազմակերպությունները Հայաստանի Հանրապետության օրենսդրությամբ սահմանված կարգով ներքին առդիտի իրականացման ծառայություններ ձեռք բերելու նպատակով կարող են պատվիրակվել այնպիսի կազմակերպություններին, որոնք ունեն ներքին և (կամ) արտաքին առդիտի գործունեության առնվազն 3 տարվա փորձ և առնվազն երեք աշխատող, ովքեր բավարարում են հետևյալ պահանջները՝
  - 1) ունեն Հայաստանի Հանրապետության հանրային հատվածի ներքին առդիտորի որակավորում.
  - 2) առդիտի ոլորտում (ներքին և (կամ) արտաքին) ունեն մասնագիտական գործունեության առնվազն 3 տարվա փորձ.
  - 3) համատեղությամբ չեն աշխատում այլ ներքին և արտաքին առդիտի ծառայություններ մատուցող

կազմակերպություններում:

2. Սույն հավելվածի 1-ին կետի պահանջները բավարարող կազմակերպություններն ընդգրկվում են Հայաստանի Հանրապետության կառավարության 2014 թվականի փետրվարի 13-ի N 176-Ն որոշման N 1 հավելվածի 4-րդ կետով սահմանված ցանկում (այսուհետ՝ ցանկ):

3. Ցանկում ընդգրկվելու նպատակով կազմակերպությունը լիազոր մարմին է ներկայացնում՝

1) դիմում՝ համաձայն սույն հավելվածի ձևի.

2) սույն հավելվածի 1-ին կետով սահմանված պահանջներին համապատասխան ներքին աուդիտորի որակավորում ունեցող երեք աշխատողների մասին տեղեկություններ՝ աշխատանքային գրքույկի, աշխատանքային պայմանագրի, նույնականացման քարտի կամ անձնագրի պատճենները.

3) տեղեկանք ներքին և (կամ) արտաքին աուդիտի գործունեության առնվազն 3 տարվա փորձ ունենալու մասին:

**(3-րդ կետը փոփ. 19.02.15 N 128-Ն)**

4. Լիազոր մարմինը սույն հավելվածի 3-րդ կետով սահմանված փաստաթղթերն ստանալուց հետո 10 աշխատանքային օրվա ընթացքում կազմակերպությունը գրանցում է ցանկում, եթե առկա չէ սույն հավելվածի 5-րդ կետով սահմանված հիմքերից որևէ մեկը:

5. Լիազոր մարմինը մերժում է հայտը, եթե՝

1) ներկայացված փաստաթղթերը չեն համապատասխանում Հայաստանի Հանրապետության օրենսդրության և սույն հավելվածի 3-րդ կետով սահմանված պահանջներին, և (կամ) այդ փաստաթղթերում ներկայացվել են կեղծ և (կամ) անարժանահավատ տեղեկություններ.

2) դիմող իրավաբանական անձը Հայաստանի Հանրապետության օրենսդրության կամ իր կանոնադրության համաձայն իրավունք չունի ֆինանսատնտեսական հարաբերությունների իրականացման բնագավառում որևէ գործունեությամբ զբաղվելու.

3) դիմող կազմակերպության կառավարումն իրականացնող անձն իրավունք չունի ֆինանսատնտեսական հարաբերությունների իրականացման բնագավառում որևէ գործունեությամբ զբաղվելու.

4) դիմող կազմակերպությունը չի համալրում լիազոր մարմին ներկայացված փաստաթղթերի ցանկը.

5) դիմող կազմակերպությունը սույն հավելվածի 7-րդ կետով սահմանված հիմքով նախորդ 3 տարվա ընթացքում հանվել է ցանկից.

6) Հայաստանի Հանրապետության օրենսդրությամբ նախատեսված այլ դեպքերում:

6. Ցանկում ընդգրկված կազմակերպությունները ցանկում ընդգրկվելու համար ներկայացված տեղեկություններում կամ փաստաթղթերում, այդ թվում՝ կազմակերպության աշխատող համարվող անձանց մասին փաստաթղթերում փոփոխություններ կատարելու դեպքում այդ փոփոխությունների մասին պետք է լիազոր մարմին ներկայացնեն տեղեկատվություն՝ դրանք ուժի մեջ մտնելուց հետո 15 աշխատանքային օրվա ընթացքում:

7. Կազմակերպությունը հանվում է ցանկից այն դեպքում, եթե՝

1) կազմակերպության կամ կազմակերպության աշխատող հանդիսացող՝ որակավորված ներքին աուդիտորի կողմից ներքին աուդիտի առաջադրանքների իրականացման ժամանակ խախտվել են Հայաստանի Հանրապետության ներքին աուդիտի օրենսդրության պահանջները, ներքին աուդիտի մասնագիտական գործունեության ստանդարտները կամ ներքին աուդիտորների վարքագծի կանոնները, որոնք հանգեցրել են առաջադրանքի արդյունքներով տրամադրված սխալ հավաստիացման.

2) բացահայտվում է, որ կազմակերպության կողմից լիազոր մարմին ներկայացված փաստաթղթերը կամ տեղեկատվությունը հավաստի չէ կամ այդ փաստաթղթերում ներկայացվել են կեղծ և (կամ) անարժանահավատ տեղեկություններ.

3) տվյալ կազմակերպությունում հայտնաբերվել են սույն հավելվածի 5-րդ կետով սահմանված հիմքերից որևէ մեկը.

4) մեկ տարվա ընթացքում տվյալ կազմակերպության կողմից երեք և ավելի անգամ սույն հավելվածի 6-րդ կետում նշված տեղեկությունները սահմանված ժամկետում չեն ներկայացվել լիազոր մարմին:

8. «Ներքին աուդիտի մասին» Հայաստանի Հանրապետության օրենքով սահմանված հանրային հատվածի կազմակերպությունները Հայաստանի Հանրապետության օրենսդրությամբ սահմանված կարգով ներքին աուդիտի իրականացման ծառայություններ չեն կարող ձեռք բերել ցանկում ընդգրկված այն կազմակերպություններից, որոնց՝

1) խորհրդի անդամը կամ կառավարման գործառույթ իրականացնող անձը, կամ գործադիր մարմնի անդամը, կամ նման պարտականություններ կատարող այլ անձ, նրանց ընտանիքի անդամներից որևէ մեկը, ինչպես նաև աուդիտ իրականացնող ներքին աուդիտորը հանդիսանում են տվյալ հանրային հատվածի կազմակերպության ղեկավարին և (կամ) աուդիտի կոմիտեի անդամներին փոխկապակցված անձ՝ «Ներքին աուդիտի մասին» Հայաստանի Հանրապետության օրենքի 9-րդ հոդվածի 4-րդ մասի 2-րդ կետի իմաստով.

2) կազմակերպության կամ կառավարման մարմնի անդամներից կամ նման պարտականություններ կատարող այլ անձանցից, նրանց ընտանիքի անդամներից որևէ մեկը, ինչպես նաև աուդիտ իրականացնող ներքին աուդիտորն ունի ուղղակի կամ անուղղակի ֆինանսական մասնակցություն տվյալ հանրային հատվածի կազմակերպությունում կամ նախորդ երեք տարվա ընթացքում ներգրավված են եղել տվյալ հանրային հատվածի կազմակերպության արտաքին աուդիտի կամ ներքին հսկողության համակարգի նախագծման կամ նմանատիպ այլ աշխատանքներում:

**Հայաստանի Հանրապետության  
կառավարության աշխատակազմի  
ղեկավար-նախարար**

**Վ. Գաբրիելյան**

**Ձև**

Հայաստանի Հանրապետության ֆինանսների նախարար  
պրն \_\_\_\_\_-ին  
\_\_\_\_\_ -ից

(դիմողի կազմակերպության անվանումը և դիմողի պաշտոնը, անունը, հայրանունը, ազգանունը)

**Դ Ի Մ ՈՒ Մ N \_\_\_**

**ՀԱՆՐԱՅԻՆ ՀԱՏՎԱԾՈՒՄ ՆԵՐՔԻՆ ԱՌԻԴԻՏ ԻՐԱԿԱՆԱՑՆԵԼՈՒ ՀԱՄԱՐ ՈՐԱԿԱՎՈՐՈՒՄ  
ՈՒՆԵՑՈՂ ԿԱԶՄԱԿԵՐՊՈՒԹՅՈՒՆՆԵՐԻ ՑԱՆԿՈՒՄ ԸՆԴԳՐԿԵԼՈՒ ՄԱՍԻՆ**

Հանրային հատվածում ներքին աուդիտ իրականացնելու համար որակավորում ունեցող կազմակերպությունների ցանկում ընդգրկվելու համար Ձեզ են ներկայացվում Հայաստանի Հանրապետության կառավարության 2014 թվականի փետրվարի 13-ի N 176-Ն որոշման N 2 հավելվածի 3-րդ կետով պահանջվող փաստաթղթերը, որոնց ամբողջականությունը և արժանահավաստությունը հավաստիացվում է

\_\_\_\_\_

(կազմակերպության անվանումը (իրավաբանական անձի դեպքում՝ նրա լրիվ անվանումը, պետական գրանցման

\_\_\_\_\_

համարը, գտնվելու և գործունեության իրականացման վայրերը, իսկ անհատ ձևերի դեպքում՝ անունը,

\_\_\_\_\_

ազգանունը, պետական հաշվառման և (կամ) անձնագրի համարը)

\_\_\_\_\_

(հեռախոսահամարները)

Առդիր՝ թերթ

Տնօրեն՝ \_\_\_\_\_ թ.

(ստորագրությունը)

Կ.Տ.

(հավելվածը փոփ. 19.02.15 N 128-Ն)